

間或言為造佛像或言作為畫龍燭全然塗金云佛像之說固不近理而至於
三年內 祭享宜象生時 先大王儉德超出尋常今若用以金燭則實有違
於如事生之禮況今國計孔棘自 上宜軫惜費之念而 祭享諸節一依已
亥甲寅兩膳錄毋或違越宜矣 上許之正言權禔申前啓 上不從又論清
州攔入官倉輸出糶穀者摘發首倡人嚴刑得情鳥示境上徒黨並施徙邊之
律 上從之○丙辰諸道監司以雨澤狀聞而嶺南有雹災○丁巳夜自二更
至五更巽方南方坤方有氣如火光○戊午雨夜自一更至五更南方巽方有
氣如火光○上將行親禱于社稷終日雨下政院請停止 上從之曾在 肅
廟朝戊子將行 親禱得雨乃止有前例故也○己未雨○備局以清州擅開
官倉罪人事覆 啓請朴世命及李舜章等三人並境上鳥示朴成必等施以
徙邊之律 上從之兵曹判書崔錫恒疏論其用律過重請令本道更查後因
其狀聞李舜章鳥示朴世命刑訊餘併減死定配閏六月朔庚申雨○辛酉○
壬戌命承旨摘奸典獄釋輕囚○江原道通川郡雹○諫院申前啓又論 宗
廟副奉事金萬奎行已鄙汚所叨濫竊請汰去副提管趙爾健年紀衰老資歷
亦淺請遞差 上並不從○癸亥憲府申前啓又言 實錄纂修之地有非外